

麻考通

西法醫藥部 (一卷) 二頁

(卷首題天考通宜宜劑) 以免混淆

運氣精微

序三頁、書佚。

悉化遷流卷七

三十六頁

(序) 本卷殘存卷七、卷八兩卷。序目
且佚。原書卷數頗難稽攷。

又本卷在
提出學刊

運氣精微叙

海岱薛鳳祚撰

養生者言人有呼與吸皆出日用食
息之氣納天地清淑之氣推陳致新
形神始能不腐是人與天地不獨言
親且不得為兩也天地之氣化不齊

運氣精微叙

海岱薛鳳祚撰

養生者言人有呼與吸皆出日用食
息之氣納天地清淑之氣推陳致新
形神始能不腐是人與天地不獨言
親且不得爲兩也天地之氣化不齊

人感之則形病互異焉可誣也世之言醫者患逐末遺本明氣與血痰與鬱之爲病不明風與火暑濕與燥寒之爲病明運與氣爲恒氣不明主與客之相臨御相扶抑太徵之歲火氣太過則心以實病肺以虛病以至于

五行皆然蓋司天在泉不同之化難可稽數人脈應之故有死而反生生而反死耳又不獨在人爲然勝復之理上達于天則有五星倍減之應下推于地則有五虫耗育之驗以至五谷五果每歲嘗備而色味有厚薄成

熟有多寡不可明言莫不各有其所
以然則天地誠醫學之大本昔黃帝
岐伯著有成書與微汗漫讀者多望
洋之嘆今特收其要者無支詞複語
而義亦畧備使言醫者知血氣內因
之症又知氣化外因之症神明于圓

機之中當不至于虛虛實實也倘不
善用如程得齋馬宗素其人謂人生
何日病何日瘳危何期又悖亂經旨
矣

天學會通

西法醫藥部

七政主治

太陽性熱性乾地中主金與寶石主人心與脉

太陰性冷性濕地中主銀主人目睛腦髓白痰及婦人月事

土星性冷性乾土中主黑鉛主人肝

火星性熱性乾土中主鉄主黃痰

木星性熱性濕土中主錫主人肺

金星性熱性濕土中主銅主人腎

水星合太陽火星性熱性乾合木星金星性熱性濕土中主水
銀主人肺腕

臟腑不足者補以其屬如心病以金與寶石末之煎服亦
以金作片佩心間他並同

月與五星皆無光借日光而有光鐵入火煉色如火星故
火名爲鐵星餘星河

此藥中取露其質皆厚于藥如以酒作蒸酒者然西法取藥之
露用之用少而功烈亦能令用藥者無厭苦之嫌

取露有醜

凡補益用鷓鴣四五年者吊死者煮爛作一二次全食之大愈怯
疾

治虛寒傷氣不足以硫黃爲露入水中服不過數滴

雞子一二日鮮者大補血亦血類也

太陰十二象論人身

戌主頭 酉主項 申主肩背 未主胸胃脾肺腕 午主兩

腋及心至臍 巳主大小腹 辰主下焦膀胱并兩邊 卯

主陰陽 寅主左右大腿 丑主兩膝 子主小腿 亥主

兩足

如太陽在戌宜將養頭上若看病難醫看何宮有惡星卽何
經受病

人命有四一用一受一化一去能用在熟乾太陽主之如濕多

不能用太陰在寅午戌助之則能用能受在冷乾土星主之
如不能受太陰在酉巳丑助之則能受能化在熱濕木星主
之如不能化太陰在辰子助之則能化能去在冷濕太陰主
之如不能去太陰在卯未亥助之則能去

如不能化當治脾胃俟月到子宮治之有益

西法治病多以草藥單服既名稱不同辨識未易再俟講求
補足

炁化遷流卷之七

五運六氣

青齊後學薛鳳祚纂錄

男嗣桂校

五行生克順逆

木火土金水周而復始相生水火金木土周而復始相尅

干支五行所屬

甲乙寅卯木丙丁巳午火庚辛申酉金壬癸亥子水戊巳辰戌
丑未土

五行生成數

水生一成六火生二成七木生三成八金生四成九土生五成

金木水火土之成數皆兼土五數

水北方子位子者陽生之初一陽數也故水曰一火南方午位午者陰生之初二陰數也故火曰二木居東方東陽也三者奇之數亦陽也故木曰三金居西方西陰也四者偶之數亦陰也故金曰四土應西南長夏五者奇之數亦陽也故土曰五

三陰三陽正化者從本生數對化者從標成數五運之紀則太過者其數成不及者其數生各取其數之生成多少以占政令氣化勝復之交作蓋明諸用也

六化

木之心風主於春 君火之化熱主春末夏初 相火之化暑主於夏 金之化清與燥主於秋 水之化寒主於冬 土之化濕與雨主於長夏

論五運

戊癸火運 甲巳土運 乙庚金運 丙辛水運 丁壬木運

五運皆本年正月建干之生氣如甲巳歲正月建丙寅丙火生土故甲巳爲土運乙庚年正月建戊寅丙辛年正月建庚寅戊癸年正月建甲寅丁壬年正月建壬寅其義同

六氣

子午少陰君火 丑未太陰濕土 寅申少陽相火 卯酉陽

明燥金 辰戌太陽寒水 巳亥厥陰風木

君火司午_七者一陰始生之位火本熱而其氣當陰生之初故君火屬少陰也水居北方子_七者一陽始生之位水本寒而其氣當陽生之初故寒水屬太陽也土乃未之位未爲午之次爲陰矣故土曰太陰相火司於寅_七乃丑之次爲陽矣故相火曰少陽木者位居東方在人主肝雖陽藏處膈下居陰之位故屬厥陰也金者位居西方在人主肺雖陰藏居膈上處陽之位故屬陽明

五音建運

甲與巳化土曰宮中和之道無往而不理又總堂室與階而謂宮

乙與庚化金曰商_七也謂金性之堅強也

丙辛化水曰羽_七舒也陽風將復萬物孳育而舒生也

丁壬化木曰角_七觸也象諸陽氣觸動而生也

戊癸化火曰徵_七止也言物盛則止也

論五氣

木爲初氣主春分前六十日有奇奇八十七刻半君火爲二氣主春分

後六十日有奇 相火爲三氣主夏至前後各三十日有奇

土爲四氣主秋分前六十日有奇 金爲五氣主秋分後六十

日有奇 水爲六氣主冬至前後各三十日有奇

地氣靜而守位故春溫夏暑秋涼冬寒爲歲_七之嘗令此六

氣旋轉以成一歲之主氣也

論客氣正對化

厥陰司於巳亥木生於亥故正化於亥對化於巳 少陰司於子午正得南方離位故正化於午對化於子 太陰司於丑未故正化於未對化於丑 少陽司於寅申火生於寅故正化於寅對化於申 陽明司於卯酉酉為西方屬金故正化於酉對化於卯 太陽司於辰戌水位子為君火對化乃伏土申即六戊天門戌六巳地戶辰故正化於戌對化於辰
此天之陰陽合地之十二支動而不息者也但將年支起當年司天相對之氣為在泉餘氣為左右間用在泉後一氣為

初之氣至六十日有奇至司天為三之氣主上半年自大暑日後通

主上半年至在泉為六氣主下半年自大暑日後通

天氣主之歲半已後地氣主之者此也天之六氣客也將此

客氣布於地之六氣步位之上則有氣化之異矣

經曰上下有位左右有紀司天在南方則而北左右乃左西

右東也在泉在北方則而南左右乃左東右西也故上下而

左右殊如子午司天相對卯酉為在泉司天本年第三氣在泉本年第六氣在泉順行一位寅申為本年初氣即

在泉左間也又順行一位巳亥為本年二氣即司天右間也

又行一位子午為本年三氣即司天又行一位丑未為本年四氣即司天左間也又行一位寅申為本年五氣即在泉右

間也又行一位為本年六氣卯酉即在泉此客氣臨布于主

上

交氣日刻

六氣通主一歲則一氣主六十日八十七刻半甲子歲初之氣始於漏下一刻寅初終於六十日後八十七刻半子正之申也

二之氣復始於本日八十七刻六分終於一百二十一日七十五刻戌正四刻也 三之氣復始於本日七十六刻終於一百八十二日六十二刻半酉正之中也 四之氣復始於本日六十二刻六分終於二百四十三日五十一刻未正四刻也 五之氣復始於本日五十一刻終於三百零四日三十七刻半午正之中也 六之氣復始於本日三十七刻六分終於三百六十五日二十五刻辰正四刻也此之謂一周天餘刻交於乙丑

之初氣矣如此而轉至戊辰年初之氣復始於漏下一刻則四歲而一小周也故申子辰氣會同者此也已酉丑初之氣俱起於二十六刻寅午戌初之氣皆起於五十一刻亥卯未初之氣俱起於七十六刻故謂之三合

論五運勝復

少角之歲木不及侮而 乘之者金也金不務德故以燥勝風時則有白露早降秋氣早行其變為肅殺其災為蒼隕名為少角而實與太商之歲同少徵之運歲火不及侮而乘之者水也水不務德故以寒勝熱時則寒霧凝慘地積堅冰其變為栗冽其災為霜雹名為少徵而實與太羽之歲同少宮之運歲上不

及侮而乘之者木也木不務德故以風勝濕時則大風飄驟草
偃砂飛其變爲振發其災爲散落名爲少宮而實與太角之歲
同少商之運歲金不及侮而乘之者火也火不務德故以熱勝
燥時則有火炎焦槁炎赫沸騰其變爲銷燥其災爲燔炳名爲
少商而實與太徵之歲同少羽之運歲水不及侮而乘之者土
也土不務德故以濕勝寒時則有泉湧河衍涸澤生魚其變爲
驟注其災爲霖潰名爲少羽而實與太宮之歲同

運有盛衰氣有虛實更相追隨以司歲也故經曰有餘而往不
足從之不足而往有餘從之者此也故運互有太少勝復之變
作矣六陽爲太過則先天時化以氣勝實故不勝者受邪六陰
爲不及則後天時化以氣衰虛故勝已者來尅被尅之後必待
時而復也行復於所勝則已不可前故待得時則子當旺然後
子爲母復如木運少角歲金清化來勝則子火來復反熱化勝
金也火運少徵歲水寒化來復勝則子土爲復反濕化勝水也
土運少宮歲木風化來勝則子金爲復反清化勝木也金運少
商歲火熱化來勝則子水爲復反寒化勝水也水運少羽歲土
濕化來勝則子木爲復反風化勝土也故言勝復同者此也
天地之間或得其冲氣而生或觸其乖氣而天未有能逃乎五
行者也所謂冲氣者不相勝復而已所謂乖氣者勝復更作而
已方其乖氣之爭狼戾已形忿怒已萌處乎此而求勝乎彼也

雖有強剛勇悍之氣又豈能嘗勝哉故已有復之者伺乎其後矣是故木勝則金復以救土而名木不榮火勝則水復以救金而水雹乃零土勝則木復以救水而裸蟲不育金勝則火復以救木而流水不冰水勝則土復以救火而穀不登夫暴虐無德者灾反及之侮而乘之者侮反受邪出乎爾者反乎爾未有勝而不復者也勝之微者復亦微勝之甚者復亦甚

司天在泉勝復

天地之氣亦行勝復故經曰初氣終三氣天氣主之勝之嘗也四氣盡終氣地氣主之復之嘗也蓋勝至則復已已而勝故無嘗氣若止復而不勝則是生氣已絕故曰傷生也

主氣客氣勝復

客行天令居上故有不同之化然平氣至必當其期過不及則先後其候干交氣期各差十三日而應

客行天令有寒暑燥濕風火之化主當祇奉之客勝則從主勝則定二者自以多少為勝而無復與嘗勝殊

論紀運

十干之中五陰五陽也立為五運太過不及互相乘之其不及之歲則所勝者來尅蓋運之虛故也則其間自有歲會同歲會亦氣之平外有年辰相合及交氣日時干相合則得為已助號曰平氣乃得歲氣之平其物生脈應皆必合期無先後也聖人

立名以紀之

假令辛亥歲水運當為平氣何也辛為水運陰年遇亥屬北方水相佐則水氣乃平假令癸巳年火運亦曰平氣何也癸為火運陰年巳屬南方火相佐則火氣乃平又每年交初氣於年前大寒日假令丁亥年交司天之日遇月朔與壬合名曰干德符符者合也便為平氣若交司天之時遇壬亦曰干德符除此交初氣日時之後相遇皆不相濟也餘皆倣此所謂合者甲巳合乙庚合丙辛合丁壬合戊癸合是也

又陰年中若逢月干

此月干不指交節時月干通言所遇月干也

皆符合相濟若

未逢勝而見月干合者亦為平氣若行勝以後行復畢逢月

干合者即得正位故平氣之歲不可預紀之十干之下列以陰陽年而紀之此乃大槩設此庶易知也平氣紀須以當年之辰日時依法推之

太角歲曰發生

太過

少角歲曰委和

不及

正角歲曰敷和

平氣

太徵歲曰赫曦

太過

少徵歲曰伏明

不及

正徵歲曰升平

平氣

太宮歲曰敦阜

太過

少宮歲曰畀監

不及

正宮歲曰備化

平氣

太商歲曰堅成

太過

少商歲曰從革

不及

正商歲曰審平

平氣

太羽歲曰流行

太過

少羽歲曰涸流

不及

正羽歲曰靜順

平氣

各以紀之也氣之平則同正化無過與不及也

又詳太過運中有為司天之氣所抑者亦為平氣則赫曦之

紀寒水司天二年戊辰堅成之紀二火司天四年庚子庚午皆

平氣之歲也

論太少氣運相臨同化

其運其氣或太或少乃輪主歲時而更勝更衰也上達於天則有五星倍減之應下推於地則有五蟲耗育之驗其五果五味五色之化類豈有一歲而無者惟成熟有多少色味有厚薄耳蓋金木水火土並行其化互有休囚旺相不同遇陽年則氣旺而太過遇陰年則氣衰而不及太過已勝則欲齊其所勝之化不及已弱則勝者來兼其化

太過歲謂木壬齊金化金庚齊火化火戊齊水化水丙齊土化

土甲齊木化也

不及歲謂木丁兼金同化金乙兼火同化火癸兼水同化水

辛兼土同化土己兼木同化也

其司天與運相臨間有順逆相刑相佐司天則同其正抑運則反其平如是五氣平正則無相凌犯也

太過之歲五運各主六年乃五六三十陽年也太角謂六壬

年逢子午寅申二火司天壬子壬午則木運為逆者火居其

上也子居父位居其上為逆

太徵謂六戊年或逢寒水司天正抑其火乃為平氣之歲上

羽與正徵同也戊辰戊戌正徵戊午之類

太宮謂六甲年也

太商謂六庚年也內逢子午寅申二火司天正抑其金復為

平氣之歲上徵與正商同也庚子庚午庚寅庚申正商乙酉之類是也逢辰戌水

司天為逆庚辰庚戌水乃金之子也居上為逆

太羽為六丙年也

不及歲五運各主六年乃五六三十陰年也少角謂六丁年

也逢巳亥木司天為運氣得助上角同正角也丁巳丁亥正角丁卯之類

逢卯酉金司天與運兼化上商同正商也丁卯丁酉逢丑未土司

天以木不及兼化則土得其政上宮同正宮也丁丑丁未正宮巳未之類

少徵謂六癸年也內逢卯酉金司天以火不及水兼化則金

得其政上商同正商也癸卯癸酉

少宮謂六巳年也內逢丑未土司天為運得其助上宮同正

宮也巳丑巳未逢巳亥木司天為運兼化上角同正角也巳巳巳亥

少商為六乙年也內逢卯酉金司天為運得其助上商同正

商也乙卯乙酉逢巳亥木司天以金不及火兼化則木得其政上

角同正角也乙巳乙亥

少羽謂六辛年也逢丑未土司天與運兼化土宮同正宮也

辛丑辛未

內言上者乃司天之令其五太五少歲所紀不同者蓋遇不

遇也如君火相火寒水嘗為陽年司天濕土燥金風木嘗為

陰年司天然六十年中各有上下臨遇或司天勝運或運勝
司天或運當太過不務其德而淫勝其所不勝或運當不及
而避其所勝不兼其化其他太乙天符歲會同天符同歲會
具下篇

經曰氣相得則和乃木火相臨金水相臨水木相臨火土相臨
土金相臨皆上生下司天生運故曰相得

不相得則病乃水土相臨土水相臨水火相臨火金相臨上
尅下司天尅運為不相得則病

土臨火火臨木木臨水水臨金金臨土乃運生司天以下臨
土為逆故病亦微

又如木居金土位火居金水位土居木位乃運尅司天或司
天尅運如是者為不相得故病甚也

論天符

司天之氣與中氣運同者命曰天符共十二年

太陽 丙辰丙戌 少陽 戊寅戊申 陽明 乙卯乙酉

太陰 己未己丑 少陰 戊子戊午 厥陰 丁巳丁亥

論太乙天符

太乙者尊稱之也謂一者天會二者歲會三者運會止有四年
卯在前十二年内

陽明 乙酉

太陰 己未己丑

少陰 戊午

論歲會

當年十干建運與年神五行相會故曰歲會共四年

水運 丙子

木運 丁卯

火運 戊午

金運 乙酉

此四年皆在子午卯酉外有四年壬寅皆木庚申皆金癸巳皆火辛亥皆水亦運與年辰相會而不為歲會者為不當正中之令故也雖不名歲會亦上下五行相佐皆為平氣之歲

論同天符同歲會

在泉與運氣合其氣化陽年曰同天符陰年曰同歲會

陽明在泉 庚子庚午

太陰在泉 甲辰甲戌

少陰在泉 癸卯

癸酉

論天符歲會疾病

平氣之歲物生脉應皆必合期無能先後焉否則變行有多少病形有微甚生死有早晏邪之中人天符為執法執法者其病速而危歲會為行令行令者其病徐而持太乙天符為貴人貴人者其病暴而死蓋以氣令中人有淺深之異也

論手足經

子 少陰 心手 丑 太陰 手肺 寅 少陽 手二焦 酉 陽明 手大腸

辰 太陽 手小腸 巳 厥陰 手心胞絡

戌 太陽 足膀胱

亥 厥陰 足肝

五藏為陰六腑為陽一陰一陽乃為一合即六合也夫少陰之經主心與腎二藏者蓋心屬火而少陰脉其本在腎又君

火正化於午對化於子是以腎藏心藏皆少陰主之五藏爲
陰不可言陽水隨腎至故太陽爲府則手太陽小腸足太陽
膀胱也

太陰之經主脾於肺二藏者蓋脾屬陰土而太陰脉在肺又
主生金子隨母居故脾與肺皆太陰主之金隨肺至故陽明
爲府則手陽明大腸足陽明胃也

厥陰之經主肝與心包絡二藏者蓋肝屬木又生火子隨母
居故肝與心包絡皆厥陰主之火隨心包而至故少陽爲府
則手少陽三焦足少陽胆也

其分手足經乃手經脉自兩手起足經之脉自兩足起也又
心肺心包在上屬手經肝脾腎在下屬足經亦其意也

論六病

厥陰所至爲裏急筋緩縮急支痛軟戾脇痛嘔吐

少陰所至爲瘍疹身熱惡寒戰慄驚惑悲哭謔妄衄蟻血

太陰所至爲積飲痞隔中滿霍亂吐下身重肘腫肉泥按

少陽所至爲噎嘔瘡瘍耳鳴嘔涌溢食不下驚躁瞽昧目不明

暴注瀾惡病暴死

陽明所至爲鼽嚏浮虛皴揭尻陰股膝脾臑胣足病

太陽所至爲屈伸不利腰痛寢汗痙流泄禁止此六氣之爲病
也

論治法

經曰木位之主其瀉以酸其補以辛厥陰之客以辛補之以酸瀉之以甘緩之

火位之主其瀉以甘其補以鹹少陰之客以甘瀉之以酸軟之少陽之客以鹹補之以甘瀉之以甘軟之

土位之主其瀉以苦其補以甘太陰之客以甘補之以苦瀉之以甘緩之

金位之主其瀉以辛其補以酸陽明之客以酸補之以辛瀉之以苦緩之

水位之主其瀉以鹹其補以苦太陽之客以苦補之以鹹瀉之以苦堅之以辛潤之

此六氣主客之補瀉也客勝則瀉客補主主勝則瀉主補客應隨當緩當急以治之也而本經又有六氣司天在泉淫勝之治法有司天在泉反勝之治法有歲運所宜藥食之治法

論六脉

經曰太陰之至其脉緩厥陰之至其脉弦少陰之至其脉沉少陽之至其脉大而浮陽明之至其脉短而濇太陽之至其脉大而長

至而和則平至而甚則病至而反者病至而不至者病未至而至者病陰陽易者危不當其位者病

見于他位也

迭易其位者

病失守其位者危此之謂也

然人之生也雖五行備於一身生氣根於內亦隨天地之氣卷舒也何以明之如春脉弦夏脉洪秋脉毛冬脉石也

論脉不應

經論南政北政少陰司天兩寸不應少陰在泉兩尺不應
司天左寸不應太陰在泉左尺不應厥陰司天右寸不應
在泉右尺不應 脉不應專指三陰言所以少陰司天在
於兩寸兩尺 子之左丑屬太陰故太陰司天在泉應於
左尺 子之右亥屬厥陰故厥陰司天在泉應於右寸右
有三陰所在司天主寸在泉主尺不論南北政此捷法也

兩尺不應 甲子甲午南政少陰司天 乙丁辛癸卯酉北

政少陰在泉

左寸不應 己丑己未南政太陰司天 丙戌庚壬辰戌北

政太陰在泉

左尺不應 甲辰甲戌南政太陰在泉 乙丁辛癸丑未北

政太陰司天

右寸不應 己巳己亥南政厥陰司天 丙戌庚壬寅申北

政厥陰在泉

右尺不應 甲寅甲申南政厥陰在泉 乙丁辛癸巳亥北

政厥陰司天

陰陽交死脉

不應謂陰之所在脉乃沉細不應本脉也歲當陽在左脉反見右歲當陰在右脉反見左左右交見是爲交若左獨然或右獨然是不應非交也惟寅申巳亥辰戌丑未八年有之

如太陰司天陰脉歲當見左寸反見右寸其右寸本然陽脉而移左寸陰陽交反死脉也若左右獨一處不應陰氣止疾而已兩尺同

尺寸反死脉

歲當陰在寸而脉反見於尺歲當陽在尺而脉反見於寸尺寸俱反方爲之反若尺獨然或寸獨然是不應非反也惟子午卯酉四年有之

酉四年有之

如少陰司天陰脉歲當見兩寸反見兩尺其尺脉本然陽脉而見兩寸爲尺寸反死脉也若寸脉獨不應陰氣或尺脉獨不應陽氣亦止疾而已

一人臥病醫診左尺不應以爲腎氣絕矣死在旦夕更醫診之

察色切脉則面戴陽色氣口皆弦而長乃傷寒三陽合病也又方

涉海爲風所驚遂血菀而神憊爲熱所搏乃吐血一升許且脇痛煩渴譫語投小柴胡湯減參加生地半劑後俟其胃實以承氣湯下之而愈造是年歲運左尺當不應此天和脉非腎絕也

甲巳歲氣土化立成

歲土太過甲是歲泉涌河溢涸澤生魚風兩大行至土崩潰鱗
見於陸 歲運黃天

敦阜之紀 平氣備化 甲歲南政 太宮之音

歲氣雨濕流行至陰內寔物化克成其變震驚飄驟崩潰

腎水受邪病則腹痛清厥體重甚則足痿不收脚痛中滿四肢

不舉脾土勝腎水木為水之子復能剋土則反溇泄甚則大谿

絕者死足內踝後跟骨上
動脈中腎脈是也

臨辰戌為歲會甲辰
甲戌下加太陰為同天符

歲土不及巳歲運齡天

甲監之紀 平氣備化 巳歲南政 少宮之音

歲氣風寒大作雨乃愆期草木秀而不實

脾土受邪病即殮泄霍亂體重腹痛

肝木剋脾土金為土之子復能剋肝木則反脚脇暴痛下引小

腹

臨辰戌丑未為歲會甲辰甲戌
巳丑巳未

上見太陰為太乙天符巳丑
巳未

下臨厥陰巳巳
巳亥流水不冰蟄蟲來見民乃康上角同
正角

乙庚歲氣金化立成

歲金不及乙歲運素天

從革之紀 平氣審平 乙歲北政 少商之音

歲氣炎火盛行生氣乃用爍石流金涸泉焦草

脾金受邪病則肩背脊重斲血便注下

心火剋肺金水為金之子復能剋心火則反心痛腦痛延及顛

頂痛發熱口瘡心病

臨酉為太乙天符 乙酉 為歲會

上見陽明為天符 乙卯

復則水勝火寒雨暴至水雹雪霜

歲金太過 庚 歲運素天

堅成之紀 平氣審平 庚歲北政 太商之音

歲氣燥行天氣潔地氣明陽氣隨陰肅殺凋凌

肝木受邪病則腹痛目赤體重胸痛脊滿引小腹耳無聞甚則

喘咳逆氣背肩尻陰股膝脾脘足腫痛

肺金剋肝木火為木之子復能反剋肺金則反血溢心痛脚脇

不可轉側咳逆太衝絕者死

下見陽明為同天符 庚子 庚午

丙辛歲氣水化立成

歲水太過 丙 是歲雨水雪霜不時降濕氣變物 歲運玄天

流衍之紀 平氣靜順 丙歲北政 太羽之音

歲氣天地寒凝其變水霜雪電

心火受邪病則心身發熱煩躁陰厥中寒甚則復大脛腫喘咳

腎水勝剋心火脾為火之子復能剋腎反腸鳴溏泄甚則神門

者死穴在掌後銳骨端心主脈也

臨于為歲會丙子上見太陽為天符丙戌丙辰

歲水不及辛歲運玄天

涸流之紀 平氣靜順 辛歲北政 少羽之音

歲氣水泉減草木茂

腎水受邪病則身重濡瀉腫滿腰膝痛足痿清厥甚跗腫腎氣不行

脾土剋腎水木為水之子復能剋脾則反面色時變肉瞶溼膈中痛及心腹

臨丑為同歲會辛丑辛未則大寒蟄虫早藏

丁壬歲氣木化立成

歲木不及丁是歲天地悽愴日見朦昧雨非雨晴非晴慘然氣

象凝歛肅殺之甚 歲運蒼天

委和之紀 平氣敷和 丁歲北政 少角之音

歲氣燥氣乃行生氣不政涼雨時降風雪並興草木晚榮物秀而實

肝木受邪病中清脚脛滿小腹痛陽明溏泄

肺金勝肝木火為木之子復能剋金則反寒濕瘡疥疰疔腫癰

咳血夏生大熱濕鬱為燥草木稿下體再生

上見厥陰為天符丁巳臨卯為歲會丁卯

歲木太過壬歲運蒼天

發生之紀 平氣較和 壬歲北政 太角之音

歲氣風氣流行生氣淳化萬物以榮其變震拉摧拔

脾土受邪病飡泄食減體重腸鳴腹痛脇滿

肝木剋肺土金為十二之子復能勝木則反脇痛而吐甚則衝陽

絕者死

下見厥陰為同天符壬申
壬寅

戊癸歲氣火化立成

歲火太過戊是歲火燔灼水泉涸物焦枯 歲運丹天

赫曦之紀 平氣升明 戊歲北政 太徵之音

歲氣陰氣內化其變 炎烈沸騰

肺金受邪病則發瘡 少氣喘咳血溢瀉泄胸脇滿痛背脊痛身

熱骨痛

心火勝肺金水為金之子復能勝火反狂妄泄瀉喘咳血溢甚

則手太陰太淵絕者死

臨子為太乙天符戊子為天符
戊午為太乙天符

上見少陰少陽為天符戊午
戊子
戊寅
戊申

歲火不及癸歲運丹天

伏明之紀 平氣升明 癸歲北政 少徵之音

歲氣寒乃盛行火令不政物生不長陽氣屈伏蟄虫早藏

心火受邪病則胸脅脘背痛鬱冒暴瘖臂痛

腎水勝心火土為火之子復能剋腎則反寒腹中腸鳴瀉注

痺足不任身

臨卯酉為同歲會 癸酉 癸卯

下見少陰少陽為同歲會 癸卯 癸酉 癸巳 癸亥

子午歲氣熱化立成

少陰司天 陽明在泉

初氣 主氣厥陰風木 客氣太陽寒水

大時 寒風切冽霜雪水冰蟄復藏

民病 關節禁固腰腿痛中外瘡疥

二氣 主氣少陰君火 客氣厥陰風木

天時 風雨時寒雨生羽虫

民病 淋氣鬱於上而熱令人目赤

三氣 主氣少陽相火 客氣少陰君火

天時 大火行熱氣時至羽虫靜 不鳴也燕百舌杜宇之類

民病 厥熱心痛寒熱更作咳喘目赤

四氣 主氣大陰濕土 客氣太陰濕土

天時 大雨時行寒熱互作

民病 黃疸鮑衄噎乾吐飲

五氣 主氣陽明燥金 客氣少陽相火

天時 濕氣乃至初冬元煖萬物乃榮

民病 康安伏邪於春為瘧

終氣 主氣太陰寒水 客氣陽明燥金

天時 燥寒切切火尚恣毒寒暴至

民病 上腫咳喘甚則血溢下連小腹而作寒中

丑未歲氣濕化立成

太陰司天 太陽在泉

初氣 主氣厥陰風木 客氣厥陰風木

天時 大風發榮雨生毛虫

民病 血溢筋絡拘強關節不利身重筋痛

二氣 主氣少陰君火 客氣少陰君火

天時 大火至天下疵疾以其得位君令宜行濕蒸相薄雨

時降

民病 瘟疫盛行遠近咸苦

三氣 主氣少陰相火 客氣太陰濕土

天時 雷雨電雹地氣騰濕氣降

民病 身重跗腫腹胸滿感寒濕氣

四氣 主氣太陰濕土 客氣少陽相火

天時 炎熱沸騰地氣升天氣否隔濕化不流

民病 腠理熱血暴溢患瘧心腹脹滿甚則浮腫

五氣 主氣陽明燥金 客氣陽明燥金

天時 大涼霜早降寒及體

民病 皮膚寒

終氣 主氣太陽寒水 客氣太陽寒水

天時 大寒凝冽

民病 關節禁固腰膝痛

寅申歲氣火化立成

少陽司天 厥陰在泉

初氣 主氣厥陰風木 客氣少陰君火

天時 熱風傷人時氣流行

民病 濕氣沸於上血溢目赤咳逆頭痛血崩脇滿痛皮膚

生瘡

二氣 主氣少陰君火 客氣太陰濕土

天時 時雨至火反鬱風不勝濕

民病 熱鬱咳逆吐胸臆不利頭痛身熱昏潰膿瘡

三氣 主氣少陽相火 客氣少陽相火

天時 熱暴至草萎河乾大暑炎亢濕化晚布大旱

民病 熱病顛眩血溢膿瘡咳逆魀魴發渴喉痺目赤善暴死

四氣 主氣太陰濕土 客氣陽明燥金

天時 涼風至炎暑乃去風雨及時

民病 民氣和平身重中滿脾寒泄瀉

五氣 主氣陽明燥金 客氣太陽寒水

天時 陽乃去寒乃來雨乃降剛木早凋

民病 民避寒邪君子周密病則骨痠目赤痛

終氣 主氣太陽寒水 客氣厥陰風木

天時 地風止寒風飄揚萬物反生寒氣至雨生鱗虫

民病 關節不禁心腹痛陽氣不藏

卯酉歲氣燥化立成

陽明司天 少陰在泉

初氣 主氣厥陰風木 客氣太陽濕土

天時 陰始凝氣始肅水乃水寒雨化花開遲

民病 熱脹面腫軌屾善噎嘔吐小便赤甚則淋

二氣 主氣少陰君火 客氣少陽相火

天時 臣居君位大熱早行

民病 疫癘大至善暴死

三氣 主氣少陽相火 客氣陽明燥金

天時 燥熱交合涼風間發

民病 上逆下冷瘧痢心煩不食

四氣 主氣太陽濕土 客氣太陽寒水

天時 早秋寒雨害物

民病 暴仆振慄妄言少氣咽乾引飲心痛膺腫瘡瘍寒瘧
腎委便血

五氣 主氣陽明燥金 客氣厥陰風木

天時 春令又行草木盛生雨生介虫

民病 氣和熱行包絡面浮上壅

終氣 主氣太陽寒水 客氣少陰君火

天時 氣候反濕蟄虫出現流水不冰此下剋上

民病 伏邪濕毒季春發疫

辰戌歲氣寒化立成

太陽司天 太陰在泉

初氣 主氣厥陰風木 客氣少陽相火

天時 氣早煖物早榮瘟疫至

民病 瘟疫身熱頭痛嘔吐瘡瘍

二氣 主氣少陰君火 客氣陽明燥金

天時 大涼反至早乃遇寒火氣遂抑

民病 氣鬱中滿風腫

三氣 主氣少陽相火 客氣太陽寒水

天時 寒熱不時寒氣間至熱爭水電

民病 寒反熱中癰疽注下心熱悶瞖胃逆吐痢不治者死

四氣 主氣太陰濕土 客氣厥陰風木

天時 風濕交爭雨生保虫木盛生風暴雨摧拔

民病 大熱少氣足痿注下赤血滯成癰

五氣 主氣陽明燥金 客氣少陰君火

天時 濕熱而寒客行主令

民病 氣舒病則血熱妄行肺氣壅

終氣 主氣太陽寒水 客氣太陰濕土

天時 地氣上濕令行凝陰寒雪

民病 病乃悽慘孕死脾受濕肺旺腎衰

巳亥歲氣風化立成

厥陰司天 小陰在泉

初氣 主氣厥陰風木 客氣陽明燥金

天時 寒始肅客行主令殺氣方至

民病 寒居右脇氣滯脾胃虛壅

二氣 主氣少陰君火 客氣太陽寒水

天時 寒不去霜雪冰殺氣施化草焦寒雨數至

民病 熱中氣血不升降

三氣 主氣少陽相火 客氣厥陰風木

天時 風熱大作雨生羽虫

民病 淚出耳鳴眩掉

四氣 主氣太陰濕土 客氣少陰君火

天時 熱氣反用山澤浮雲暴雨溽濕

民病 邪黃疸而為附腫

五氣 主氣陽明燥金 客氣太陰濕土

天時 燥濕足勝沉陰乃布雨乃行

民病 寒氣及體肺受風脾受濕發為瘡

終氣 主氣太陽寒水 客氣少陽相火

天時 畏火司令陽乃火化蠶虫出現流水不冰地氣大發

草乃生

民病 瘟癘心腎相制

六氣標本論

帝曰願聞天道六六之節盛衰何也岐伯曰上下有位左右有紀故少陽之右陽明治之陽明之右太陽治之太陽之右厥陰治之厥陰之右少陰治之少陰之右太陰治之太陰之右少陽治之此所謂氣之標蓋南面而待之也故曰因天之序盛衰之時移光定位正立而待之此之謂也少陽之上火氣治之中見厥陰陽明之上燥氣治之中見太陰太陽之上寒氣治之中見少陰厥陰之上風氣治之中見少陽少陰之上熱氣治之中見太陽太陰之上濕氣治之中見陽明所謂本也本之下中之見也見之下氣之標也標本不同氣應異象

帝曰六氣標本所從不同奈何岐伯曰氣有從本者有從標從本者有不從標本者也少陽太陰從本少陰太陽從本從標陽明厥陰不從標本從乎中也故從本者化生於本從標本者有標本之化從中者以中氣爲化也

平氣之歲物生脈應氣化各得其常若當歲氣有太過不及之差則有勝負鬱發淫勝之變人居氣交之中感之而爲病焉其治也有從本從標從本從中之異其說雖見運氣諸篇而實與經臟症治相爲表裏者也考之經以天之六化之氣寒暑燥濕風火爲本以三陰三陽之位爲標所謂中見者以陰陽表裏之相通者互相取之因天之序盛衰之時移光定位正立而待之其化氣則尊之面南爲本而上居以應天其本之下以中見之氣面北而中處以應人其中見之下以標下三陰三陽爲標居之於下以應地經於標之一氣未瑩愚竊推之標之位猶有地之六氣應之如初風木二君火三相火四濕土五燥金而終寒水地氣之下應者既異則三陰三陽之加臨亦從其化矣所謂標本不同氣應異象者此也

又造化之理陽主進故以九爲老陰主退故以六爲老凡本氣之所在必審本位之陰陽而進退之俱由風木而左旋當其見下之一氣以爲標之所治則標本中見三才之氣可列矣標本同者從本有互相爲標本者則亦互相從標本不同

從乎中焉

如少陽之上火氣爲本中見厥陰風木以風爲中氣而少陽爲標則以少陽左位陽明以爲地氣風木之所始循次左行至見下標位當其三氣相火應之此標本俱火故從本之火也

又如太陰之上濕氣爲本中見陽明燥金以燥爲中氣而太陰爲標則以太陰右位少陰以爲地氣風木之所始循次行至見下標位其四氣濕土應之此標本俱濕故從本之濕也是少陽太陰標本俱同化生於本者論也

又如少陰之上熱氣爲本中見太陽寒水以寒爲中氣而少陰爲標少陰宜右退而左數之則中氣寒水當標之位而標之少陰亦從寒化矣此本熱而標寒故少陰所致爲熱生中爲寒治者或從熱而從寒也

又如太陽之上寒氣爲本中見少陰熱氣以熱爲中氣而太陽爲標太陽宜左進而順數之則二氣君火當標之位而標之太陽亦從熱化矣此本寒而標熱故太陽所至爲寒生中爲濕治者或從寒而從熱也是少陰太陽互爲標本故有標本之化者論也

又如陽明之上燥氣爲本中見太陰濕土以濕爲中氣而陽明爲標從陽明左位太陽數起循次左行至見下標位當其

四氣濕土應之則標之陽明亦從濕化矣此本燥而標濕爲標本不同故不從標本從乎中之濕也

又如厥陰之上風氣爲本中元少陽火氣以火爲中氣而厥陰爲標從厥陰右位太陽數起循次左行至見下標位當其五氣燥金應之則標之厥陰亦從燥化矣此本風而標燥亦爲標本不同故不從標本從乎中之火也是陽明厥陰標本不同故以終氣爲化者論也

此皆有自然之法象存焉而人入意所可損益者哉繁而言之太陰陽明從乎濕也少陰太陽從熱而從寒也厥陰少陽從乎火也

今以太陰陽明從濕之治言之有手太陰肺藏受濕而爲喘急或聲音如從瓮出等症治用葶藶木通之類 又有足太陰脾藏受濕而爲痞滿等症治用大消痞丸之類 或爲四肢浮腫肉按如泥等症治用胃苓湯之類 或爲肢體沉重嗜臥等症治用蒼朮羌活之類 又有足陽明胃腑因於飲水不散而爲胃腹脹滿漱水不嚥等症治用五苓散加半夏之類甚者用牽牛甘遂之類 又有陽明胃受濕而爲面目浮腫等症治用蒼朮羌活之類 又有手陽明濕勝而爲濡泄等症治用五苓散之類此皆太陰陽明從濕之治也 又以少陰太陽從熱從寒之治而言之有手少陰心熱而爲

心神不足不安者治用硃砂心丸神丸之屬 或爲瘡痒或爲
日中發熱熱見血脉者治用苦連瀉心湯之屬 又有胃府
實熱乘心而爲譫語者治用大承氣湯之屬 又有傷寒下
早心臟結熱而爲痞滿者治用黃連枳實之屬經曰中滿者
瀉之於內者此也若心下痞鞅者大承氣湯主之 又有少
陰心火亢極而爲惡寒戰慄者 此本熱而標似寒也治用散
火之劑 又有少陰心藏虛寒而爲惡寒者治用人參附子
赤石脂之屬王太僕益火之原以消陰翳者此也

又有少陰腎熱而爲遺精者治用珍珠丸加椿根皮之屬或
爲躁心者治用知母之屬有傷寒熱傳少陰腎經而爲口燥
舌乾等症治用桂枝湯之屬 又有少陰腎寒而爲身體骨
節痛手足寒脉沉者治用附子湯之屬經曰脉沉而病反者
其胗何如岐伯曰脉至而沉按之不鼓諸陽皆然者此也

又有手足太陽小腸膀胱府寒而爲冷淋少便數起不通得
寒戰而解者治用生附湯之屬 或爲小便清白或爲小便
不禁或爲久下滯濁等症治用姜附之屬 又有足大腸膀
胱經虛寒而脉浮自汗微惡寒小便數煩心攣急等症治用
桂枝加附子湯之屬 又有大腸小腸膀胱府熱而爲溺秘
等症治用黃柏知母之屬經曰小腸移熱於膀胱膈陽不便
者此也 或爲熱淋赤濁溺血等症治用黃柏知母梔子經

曰胞移熱於膀胱為癰溺血者此也 又有太陽膀胱火邪而為足膝紅腫者治用當歸生地黃黃柏龍胆艸防已蒼朮紅花之屬 又有寒傷足太陽經惡寒發熱頭項強痛傳入膀胱之府而為小便赤澀者此本寒而標熱也先用麻黃湯解之後用五苓散利之經曰病發而有餘本而標之先治其本後治其標者此也 又有足太陽經外邪鬱熱入裏傳變瀉痢清穀或為腹脹而惡寒發熱頭疼身痛表症猶在者此本熱而標寒也先用姜附湯溫之後用桂枝湯解之經曰病發而不足標而本之先治其標後治其本者此也 此皆少陰太陽從熱從寒之治者也

又以厥陰少陽從火之治言之有手厥陰經熱而為掌熱者治用柴胡黃芩連翹黃連之屬 又有少陽三焦府熱等症治用三補丸之屬 或為熱症左脅起者治用抑青丸之類 又有小兒肝受風熱而為驚搐者治用鎮驚丸之類 又有足少陽胆熱而為口苦者治用柴胡黃芩之類 又肝熱者則口苦胆熱而為貪睡者治用生酸棗仁苦茶之類 又有手足少陽經鬱熱不散而為耳聾胸脅痛等症治用小柴胡湯之類 或為耳鳴治用清氣化疾丸之類 或為癩瘰者治用破結散之類 或為發斑者治用連翹防風湯之類 或為寒熱瘧疾者治用青皮湯之類 或為喉痺者治用甘

桔湯加防風荆芥梔子紫菀天花粉之類 此皆厥陰少陽
從火之治者

故小學云肝胆由來從火治三焦心主都無異脾胃常從濕
處求肺與大腸同濕類心腎小腸與膀胱寒熱隨宜各治之
卽此義也若夫二子之註隨文釋義而已如標位屬陽者則
曰標陽屬陰者則曰標陰殊不知標有風火熱濕燥寒六氣
之異乃以陰陽二字統之可乎抑考之經有云明於標本萬
舉萬全不知標本是為妄行蓋標本之說上窮天文下察地
理中紀人事其為道也甚大其為理也甚微其取用也無窮
其推行也有準明乎此者通天地人三才之道者流也


少陽從本之圖 太陰從本之圖 少陰從本之圖



太陽從本從標之圖

陽明從中之圖

厥陰從中之圖



氣運說

寒濕暑燥風火者天之陰陽三陰三陽上奉之木火土金水者地之陰陽生長化生藏下應之而五運行于其間則五之化氣也天數終於五六居之地數終於六七居之戊巳土也化氣必以五故甲巳化土而居其首土生金故乙庚次之金生水故丙辛次之水生木故丁壬次之木生火故戊癸次之此化氣之序也地之三陰三陽亦五行耳而火獨有二五行之妙理也蓋木旺于東火旺于南金旺于西水旺于北而土旺于四維戊附于戌而在乾巳附于辰而在巽而未之對衝在丑故辰戌丑未寄旺之位也未在西南其卦為坤其時為長夏以其處四時之中

呂氏月令謂之中央假如太角壬之化爲啓折而變爲摧拉太

徵戊之化爲暄煥而變爲炎烈正化之爲變者然也少角丁木

氣不足清勝而熱復少徵癸火氣不足寒勝而雨復邪化之

爲復者然也寒甚而爲陽焰是爲火鬱熱甚而爲凄清是爲金

鬱抑而不伸者然也水鬱而發則爲氷雹土鬱而發則爲飄驟

鬱而怒起者然也風淫所勝則剋太陰熱淫所勝則剋陽明凌

其所勝者然也相火之下水氣承之濕土之下風氣承之極則

有反者然也摧拉之變不應普天悉皆大風炎烈之變不應薄

海悉皆燔灼清氣之勝不應宇宙無不明潔雨氣之復不應山

澤無不蒸溽鬱也發也淫也承也其理皆然凡此者其應非有

候則有不時而應者矣其至非有時則有卒然而至者矣是故

千里之遠其變相似者有之百里之近其變不同者亦有之即

其時當其處隨其變而占焉則占凶可知况素問之所以論天

地之氣化者將以觀其變而救民之疾也夫大而天地小而人

之一身五行之氣皆在焉天地之氣有嘗無變則人亦和平而

無災天地之氣變而失嘗則疾癘之所從出也是故木氣勝則

肝以實病脾以虛病火氣勝則心以實病肺以虛病至於官天

地理陰陽順五行使冬無愆陽夏無伏陰秋無苦雨春無凄風

和平之氣行于兩間國無水旱之災民無妖札之疾此儒者所

當知也素問亦畧言之矣五行之精是爲五緯與運氣相應有

歲星有辰星有填星有熒惑有太白以此察其行之逆順而占其吉凶然必德者福之過者罪之則是運氣之和平而爲休祥有德者名之也運氣之乖戾而爲疾肯有過者致之也洪範九疇始于五行中於皇極終於五福六極聖人建極於上以順五行之用是以天下之民有五福而無六極有五福皆可以康寧矣無六極皆免于疾病矣此其道故有行乎運氣之外者是以大舜成周之時嘗見之由庚之詩作而陰陽得由其道華黍之詩作而四序不失其和由儀之詩作而萬物各得其宜此建皇極順五行使民有五福而無六極之驗矣

一人旅寓北方夏秋久雨天行咳嗽頭痛用益元散

滑石六兩
石膏一兩

姜葱湯調服應手取効日發數十觔此蓋甲巳土運濕令痰壅肺氣上竅但瀉膀胱下竅而已不在咳嗽例也

戊年楚地春瘟人不相弔醫以五瘟丹投井水率童子分給日
起數百人五瘟丹乙庚年黃芩爲君丁壬年山梔爲君丙辛年
黃柏爲君戊癸年黃連爲君甲巳年甘草稍爲君爲君者多一
倍也餘四味與香附紫蘇爲臣者減半也七味生用爲末用大
黃三倍煎濃湯去渣熬膏和丸如雞子大硃砂雄黃等分爲衣
貼金箔每用一丸取泉水浸七碗可服七人

一人年四十五歲平生瘦弱血少值庚子年歲金太過至秋深
燥金用事又晴不雨得燥症皮膚折裂手足枯燥搔之屑起血

出痛楚十指甲厚反而莫能搔痒乃制一方名生血潤膚飲用
歸芪生熟地天麥二門冬五味片苓括藞仁桃仁泥酒紅花升
麻煎服十數貼其病如脫大便結燥加麻仁郁李仁凡治十數
人皆驗

